



Орган Лемковского Союза

Пренумерата в краю:
30 грошей місячно,
50 „ квартално,
1.50 „ полрочно,
3 зл. річно.

В Америці: 1 дол. річно.

В Чехословаччині:
2 кор. місячно, 10 кор. полрочно,
20 кор. річно.

Ціны оголошень:

Ціла сторона 120 зл., $\frac{1}{2}$ сторони 60 зл., $\frac{1}{4}$ сторони 35 зл.,
 $\frac{1}{8}$ стор. 20 зл., $\frac{1}{16}$ стор. 10 зл.;
оголошення малы за 1 мм. 20 гр.,
в тексті 30 гр., перед текстом
40 гр. При місячнм и довшом
оголошеню значна знизка.

Конто чекове Нр. 404.155.

Выходит в каждый четверг.

Редакция и администрация в Крынци. — Адрес „Лемко“ Крыница



С okazji Свят складаме всім Пренумераторам, Дописователям и Читателям искренны желаня
ВЕСЕЛЫХ СВЯТ и всякого добра в надходячом Новом Році.



Христос рождает ся!

Когож с нас не радуют тоты слова? Весе-
лят они всіх без виключення, так старых як и
молодых, так бідных як и богатых. Тішат ся
німа всі, бо свята тоты пригадуют нам вели-
кий празник Рождества Божого Дітячи, ко-
тре приняло на себе тіло, штобы пак яко че-
ловік терпіти и умерти на кресті для спасенія
людей.

Як голосит св. писмо, „Иисус Христос на-
родил ся 25-го нового місяца (грудня)“, а ше-
стий вселенский собор выяснил, што Месия
уродил ся „в навечеріе первого дня тыждня“,
т. з. вечером в неділю. Прото тыж найторже-
ственнійше обходят люде „Святыи Вечер“, ко-
трый єст святом родинным, стігающим с дале-
ких сторон цілу родину до одного стола, при
котром забывают всі непорозумленія и уразы
и желают собі щиро всего доброго.

„Слава во вышних Богу и на земли мир
во человекѣх благоволеніе“. Таки слова про-
співали ангелы над вертепом. Так мало єст
однак тепер доброй волі и так мало любви ми-
ра (спокою). Людека мысль глядат заспоко-
инія в войні, в плачу дітей и матерей, в страш-
ливой помсті, котрой жерелом єст ненависть.

От вифлеемской стаєнки иде подув Добра
и Любви на цілый світ. Открыйме сердца на
его прибыте! Тот подув векніт наши сердца
и чины, убогороднит стремленія. Он каже нам
подати руку тым, кого мы вчера ненавиділи и
сотрудничати в ділі мира и згоды с тьма, с
котрыма вадили мы ся до недавна. Нехай от-
те поданє руки приязни и згоды буде шире,
братерске и сильне!

— 0 — 0 —

Святыи Вечер. В білой, сніжной приоді-
ві красує ся земля. На небосклоні палит ся
червенаве зимове сонце, ночами світят милли-
оны звїзд и серебристый місяц. От морозу скри-
пит сніг под ногами, а окна хат світят не лем
світлом ламп и свічок, але также огнем ожи-
данія и цікавости.

Хоц каждого року сходит вифлеемска зві-
зда, хоц што року ділиме ся просфором — тым
хлібом любви и згоды, желаючи собі всякого
добра, ожиданє и цікавость того, што принесє

нам новый рок, не выгагают николи, они сут
безмертны. Живот они безпрерывно в наших
душах и все надіют ся сонца и счастья, яке при-
несе им завтрашний день.

Чи прийде до нас того жданє счастье? Чи
сонце, о котре молиме Бога штоденно, заяєніє
полным світлом над головами людей?

Тото сонце, тото счастье єст в нас самих,
в наших сердцах и поза нами не найдеме его
нигде.

Як обходят ріжны народы Рождественскы Свята.

„Што край, то обычай“. Тота приповідка
справджат ся особенно при святах Рождества
Христового, с котрыма в ріжных краях лучат
ся ріжны обычаи.

В краях скандинавских

обходят свята уж дня 13. грудня, т. є. в
день покровителькы світла, св. Луции Муч.
Дівчата в білой старосецевкой одежи, с воло-
сем звязаным в старосвітский узел, перехо-
дят улицами Штокгольма и других сканды-
навских міст в окруженю фантастичных по-
статей со старых нордыцких предань и ле-
генд — эльфов, гномов, русалок и т. д.

Перед вечером пустіют улицы, бо всі у-
ходят до хат. С каждого окна, с каждой хаты
яєніє світло яличкы.

В Венгрии

вырушают в навечеріе по селах оры-
нальны громады молодых хлопцов, переоді-
тых за ріжны звїрята домашны, вступуючи до
хат, где живут дівчата.

Где лем закупают незвычайны гості, мѣв-
чачи, таекаючи, рычачи и т. д., дораз отвера-
ют им двери и запрашают до хаты, где обда-
ровуют их щедро и частуют горячим вином с
кѣренями. Всі складают собі желанія, а моло-
деж сніват весільны співанкы.

Рано в перший святочный день переїзд-
жают знов громады молодежи через села, не-
сучи пруты вербины, котры прикрашают квіт-
ками и лентами.

— Добре идеме, але кади?

— Но брате, признаю ся, што я сам не
знам; я перший раз взял ся до того ремесла...
Страшно подумати, але што робити, — нужда.
Берме ся, може выважме двери! Хлоп бога-
тый, то може там дашто найдеме.

— Добре гварити, але труднійше выважи-
ти; але чи маш ты даякы знаряды.

— Ні брате, не мам нич.

— Планний с тебе злодій, подумал зло-
дій, але подожди, я мам ключи, то може дая-
кий здаєт ся. Сказавши того, вынял с кышені
ключ и отеорил комору.

— От и скриня, додал он — розбивай — а
сам почал глядати сокры, штобы ньом ошо-
ломити злодія.

Бог с ньом — с том скриньом, мені кобы
найти хліба, а ту так пахне свіжим хлібом...
и почал нюхати...

— Стой, не ліз, промовил хлоп, — от я и
нашол, и подал ему хліб с поличкы.

Злодій хопил обома руками хліб и почал
заїдати. Хлоп смотрит ся на него с зачудова-
нем:

— Штож — ты не вечерял може?

— Што ты гвариш мені о вечері, я кромі
воды не мал вчера нич инше в устах — отпо-
вил тот и іл дальше.

Вифлеемске світло показує дорогу до
правды людской и людского сердца, бо оно са-
мо єст правдом и счастьем. Идме-ж отже за тым
святым світлом. Оно нас векріпит чудесно и
темноту житя розвиднит.

У ног Божого Отрочати просме о благо-
словенє для наших діл. Просме о добры и му-
дры наміренія и діла. Неагоду викорчуйме и
спальме як бурян, як осет. А як запахує лю-
бов и згода, як появит ся на землі „Сонце
Правды“, втотчас Бог поблагословит, всякы
наши стремленія и діла.

— 0 0 0 —

По полудни всі понагляют ся до гостин-
ниці, где бавлят ся при музиці и танцах до
рана.

В Бразилии

припадают свята в часі найгорячішого
літа. Там ємісто білого сніга видно білы оде-
жи мужчин и женщин, котры глядают холод-
ка и тіни, штобы скрыти ся перед горячими
лучами сонца.

Богослуженє, отвічаєче нашому Всеноч-
ному отиравляють там под голым небом. На до-
рогах чути оказийны співы при акомпания-
менті гитары.

В Африці

в християнских муринских селах над
Конго и над Сенегалем, на теренах мисийных
свято Рождества Христового обходят полных
8 дней. Так, як давнійше, звуки тамтаму го-
лосят о богослуженю с оказии свят Рождества
Христ. Толпы вірных сніпат до святынь,
стюсы пахучих зєл и галузей палят ся на пло-
щах. Всі пьот пальмове вино, а дітячи сердца
радуют ся Рожд. Христа.

Дня 25. XI. 1937. р. в канцелярии курии
Апостольской Администрации для Лемковици-
ны в Рыманові здали испыт на дяков: Дяко-
бинский Дмитрий, Галушак Стефан, Каплун
Яким, Тыба Михаил, Мысцовский Василий,
Процько Иван, Чичила Александер и Яценник
Исидор.

Передрук с „Карпатского Звона“.

„Н У Ж Д А“.

Жил одного разу богатый селянин, всего
мал он подостатком так, што в хаті и на обы-
стю было тісно для всякого добра.

Але, як гварит наша приповідка — бога-
тому не спит ся, богатый злодія боит ся; так
само было и с нашим хлопом. В ночи не за-
жмурил и ока, все выходил на двор слухати,
чи не закрадат ся злодій.

Аж одной ночи, а темно было, хоц очи
выколь, — выходит он с хаты и чує: ктоси як
бы перешол коло его коморы, як бы трава за-
шелестіла под чинимаси ногами...

Зачаил ся хлоп за углом и слухат... По
хвилі выставлят голову и видит в другом куті
также чинюси голову... Хлоп сховал ся. По хви-
лі знов выглядат и знов видит голову.

Так ховали ся они долний час, а пак зло-
дій стал ся смілійшим и высунул ся цілый
из за угла. Хлоп вышел также.

— А ты брате, што ту робиш? — запытал
ся злодій. Чи также пришол на заробок.

— Так приятелю, отвітил хлоп.

— Но, то идеме разом, зыск на половину
и гріх на половину.

Хлоп опустил руки и он замолчал.

Тот поїл собі добре, встал, перекрестил ся,
взял ище оден хліб с поличкы и хоче отхо-
дити.

— Штож ты робиш, гварил хлоп, та по-
дожди, таж ты мусят быти гроши; забереме,
што в руки попаде.

— Бог с тобом и с тьма грошами, я сам
их не беру и тобі не раджу. Слава Богу, штом
сой поїл и хворой жені и дітям хліба принесу...
больше мѣ нич не потреба...

— Ну, то под ту, як так — воз собі тот
мішок муки и занєс его собі до хаты! Никого
не бой ся, а если бы тебе кто звїдал ся, то по-
відж, же сам господар дал тобі тоту муку.

— Та який же господар? Што за госпо-
дар?

— А от тот, што стоит перед тобом — от-
повідат хлоп, а слезы ему и котят ся по лиці...

Бідак не знає, где стоит... падаєт хлопцу до
ног и просит: „даруй брате... два дні нич не
мал я в устах... жена хвора... и діти.“

— Встан брате! — отвітил господар через
слезы, — воз хліб и муку и ид с Богом до до-
му... А на другой раз не иди красти... Знай,
што мы всі братя и в нужді повинни мы по-
магати оден другому...

— 0 0 0 —

Слідуюче число „Лемка“ появит ся за два тыждні, т. є. дня 20. січня т. р.

Свято Рождества Христового, святом любви ближнего.

Над ріком Гудсон в Нью-Йорку обходять свята Рождества Христового, мислячи о нужді бідаков. Пані в старосвітських костюмах ходять по уличках с ящиками, котры в коротком часі наводняють ся жертвами на найбідніших.

Чудачно виглядають тоты, середновічні постати, отулены в пурпур и золото, с долгыма, приправленыма бородами. В послідних тыжднях кружыт по домах, школах, шпиталях, дитських приютах и т. д., св. Николай и розносит подарунки. Богаты старают ся о того, штобы и найбідніши мали на свята индыка, або иншу домашню птицу, без котрой не обходит ся в том часі ани одна хата. В будынку ратушы уряджають в Святыи Вечер величезный бенкет для бідных.

В минушом році сконсумовано в часі бенкету в Нью-Йорку 6.500 фунтов ярин, 1.200

фунтов тіст, 5.000 фунтов индыков, 20.000 литров кабы и выкурено 10.000 пуделок цыгареток. На бенкеті было 10.000 людей.

Такого выбору забавок, який встрічат ся в часі Рождественских Свят в американских склепах, ніт нигде на цілом світі. Там Рождественскы свята суть не лем святом загально-милосердия и любви ближнего, але также святом дітей. Всьо того, што радує старших, находит ся в маленьких розмірах также в склепах с забавками.

В одном місті в Пенсильваніи впал св. Николай доправды с неба. Один sklep с забавками вынанял пару летчиков, котры перебрались за „Николаев“, спустились с самолета на охоронительных парасолях на землю и с великом помпом роздавали дітям забавки.

—оОо—

Знесено суды присяглых.

Дня 15. грудня правничая комиссия Сенату обрадовала над правительственным проектом знесения судов присяглых и судиев мировых. Проект реферовал сенатор Станевич, котрый высказал ся за удержанем судов присяглых и скасованем судиев мировых.

В вывизаной дискуссии сен. Терликовский, высказал ся за правительственным проектом, а сен. Петражицкий зголосил поправку, штобы sprawy, находячи ся уж в току, были переведены перед судами присяглых. Министр правосудия згодил ся на поправку. В голосованіи ухвалено проект скасованія судов присяглых и внесены поправки.

Результаты выборов в Совет.

Выборы в Совет выпали незвычайно. Пересічно голосовало 95% населения. В окрузі минском, где кандыдовал маршал Ворошилов процент доходил до сто. Был он вышій, як в окрузі московском Сталина. Масове голосованіе при выборах стає ся зрозуміле, як возме

ся под увагу приготовленіе выборов при помощи „чудно“ діествующого выборательного аппарата.

Загалом на 94 милионы управнених до голосованія — голосовало 91 милионов. Голосованіе было „тайне“, але управнених до голосованія доставали карткы нумерованы, ввиду чого не трудно было справдити, кто на когю отдал свой голос.

Перед выборами утворено „народный фронт“ зложеный с коммунистов и безпартийных. Як вышли на том безпартийны, видно со слідующих чисел: коммунисты, котры числят вьсего около 2 милионы членов доставли 855 мандатов, а безпартийны на 92 милионы управнених до голосованія — лем 288 мандатов, т. е. одну третью часть числа мандатов, одержанных коммунистами.

Розуміє ся, што при так ничижном числі не могут безпартийны мати ниякого впливу на державну господарку Советов, где будут дальше рядити коммунисты, але за то безпартийны станут ся отвітственны за вшитко, што зробят коммунисты. Таким способом Сталин хытро звалил с коммунистов отвітственность на безпартийных.

Лист до братьов Ждынян и Краянов в Америкі.

В послідном часі достал я много писем с Америкы так от Ждынян, як и от эмигрантов с других сел. В листах тых пытают ся мене о культурно-просвітительне житє лемковских сел, а передовсем Ждыні. На тоты пытанія я рішил отповісти в нашей народной газеті, „Лемку“.

Село Ждыня мало перед войном широку и добру славу, бо в нем прекрасно развивалась культура и просвіта, котра была прикрасом и приміром для других сел Лемковщины.

В Ждыні была кооперативная Молочарня, кооперативный sklep, каса и читальня им. М. Качковского, котра — сміло можна сказати — давала найбільши доходы, бо в ней читало ся добры книжки, она давала старым и молодым добру науку.

Во вьсех тых институциях, т. е. в sklepі, молочарні, касі и читальні проводил пок. О. Теод. Дуркот, котрый каждой неділі запрашал людей до читальні и сам там приходил. Веселе, культурно-христианске, родинне было житє в селі и если бы несчастная война не знищила того добра, а с ним и предводителей, то до тепер не было бы напевно ани одного жиды в селі и ждыняне тішили бы ся прекрасным доробком своей власной силы.

Тепер Ждыня змінилась. В р. 1930 осно-

вано чит. им. М. Качковского, и тот чит. развиват ся дост добре. Має много добрых членов, котры любят добру книжку и газету, але бракує ей доброго предводителя. Правда, єст в селі розумный священник, О. Ардан, але для него вься наша работа єст чужа.

На обще собраніе членов читальні приде за великом просьбом, але ани одного гроша не дал до читальні, за члена ся не вписал, николи не запросит людей на науку до читальні, ани не помůže приготовить представлєня, котры члены отограли бы радо.

На том терпит читальняне житє.

Дня 1. мая 1936 р. основано в Ждыні кооперативный sklep, котрый названо „Едність“. Кооператив развиват ся дост добре. Подрочна ревизия выказала доходы и правильне ведєне sklepу через sklepара и заряд.

Але в „Едності“ бракує именно той едності, яка дає силу. В Ждыні єст аж 5 жидовских sklepов, котры помимо кооперативы, развивают ся добре. А если взяти под розвагу, што до кооператива „Едність“ вписало ся 85 членов, то при правдивой едності селян, кооператив повинен числiti на 85 покупателей сталых.

Кромі того купуют в кооперативі товар и не члены, котрых єст може другие тилько, так,

же кооператив мог бы числiti на около 190 покупателей. При таком числі рух в sklepі повинен быти значно больший и sklep повинен каждого тыждня ривозити добру фуру товару.

А тымчасом так не єст. Гдеж глядати причины слабых торгов в кооп. sklepі?

А но в том, што не вьсе члены купуют в своем sklepі. Жиды для конкурентных цілей дают товар о грош, два дешевше и уж не один член ломит „Едність“ и купует у жиды, хоц на другом товарі жидови переплатил.

В том лежит причина зла, котра не уступит так долго, покаль люди не зрозуміют вагы клича: „свой — до своего“. Тот клич высказал я на основательном собраніи кооперативного sklepу и клич тот повинен стати ся святым по вьсех лемковских селах.

Если клич „свой — до своего“ прийме ся у нас, яко фундамент нашей економичной работы, втотчас вынесут ся от нас жиды и втотчас найде не один способный селянин заробок у своего.

Жиды для конкуренции дурят людей и обіцуют им грушкы на вербі. Тоты однак не може нам пошкодити, лем треба нам дуже свідомости. Ту мають велике поле діланія наши священники, котрых обовязком єст освідомляти селян и показати им дорогу до загального добробыту.

Кромі того мусиме стреміти вьсе до основанія гуртовні в Горлицах. Не зражайме ся тым, же одна спляйтовала, але закладайме другу и провадиме ю лучше, як тамту. До заряду выберайме людей тверезных, розумных и с чистыма руками, то она напевно удержит ся. А втотчас наши сельскы кооперативы привезут до гуртовні фуру овса и гроши и возмут в ней фуру товару. Гроши хлопскы не уйдут в жидовскы руки, але останут в рускых руках.

Слова мой розважте добре дороги Ждыняне и Братя с других сел. Не забывайме николи о том, што в едноти сила. Той едноти, той силы желаю вам щиро разом с желаниями, Веселых Свят и счастливого Нового Рору!

Дм. Н. Ю.

Ждыня, дня 27. грудня 1937 р.

НА РУСКУ БУРСУ В ГОРЛИЦАХ ПОЖЕРТВОВАЛИ:

1) **Климковка** — 4 зл., 5½ м. картошкы, 15 кг. бураков, 7 кг. моркви, 5 кг. физолы, 1½ кг. цыбулі и карпелі. Збором заняли ся г-жа В. Курылло Гайдока, Василь Шимончик, Мария Маркович, Любов Малецка и Ирина Попович.

2) **Смерековец** — 11.60 зл. и 2 фуры дерева (еще не доставл.). Збором занял ся Д. Златиканяч.

3) **Гладышев** — 27 зл. (в том 10 зл. Читальня им. М. Качковского). Збором занял ся О. Дзюбина.

4) **Вапенне** — 12 м. картошкы. Збор перевели: Косма Пыж, П. Прокопчак и С. Бубняк. Доставка: П. Т. Пыж и П. Д. Пыж.

5) **Усте Руске** — 5.10 зл. и 5 м. картошкы. Збор: Т. Войтович и Никифор Крыницкий.

6) **Кункова** — 7 м. картошкы. Збор: К. Дзвончик.

7) **Новица** — 6 м. картошкы. Збор: М. Павелчак и О. Ференц. Доставка: Стефан Клянцко.

8) **г. Захарий Станчак, Смерековец** — 10 злотых.

9) **о. Евгений Усцкый, Близянка** — 10 зл. (½ м. жита).

Вьсім жертводателям и потрудившим ся ко-ло збора складат щиру и сердечну благодарность

Заряд Бурсы.

Важны события на Дальнем Востоке.

Война на Дальнем Востоке приобретает все более широкие размеры. Сталин по окончании выборов занялся делами Дальнего Востока и как доносят газеты с Токио, готовят он Японии немилую неожиданность. Ведя тех известий Советские намерены уже в ближайшем будущем начать с Японией войну без объявления такой.

Войну с Японией имеет проводить от имени Советов Монголия Внешняя, которая находится под полным влиянием Советов. Чтобы однако было все в порядке, то Монголия Внешняя резюмирует со своей независимости и займет свой поворот до Китая. Правительство монгольское имеет зложить присягу верности Чанг-Кай-Шеку и в характере провинций китайских начать военную акцию с Японией.

Монголия Внешняя есть уже до того приготовлена. Армия ей находится в целковито в руках офицеров советских. Уживат она оружия и даже мундиров советских.

Оголошение поворота Монголии до Китая и акция против Японии имеет уже распознать с

моментом окончания фортификации Владивостока.

Кроме того мнения публично звернула ся против Японии по затоплению через японские самолеты американской канонерки и бомбардированию военных кораблей английских. В тот же час война висела на волоску, бо Америка и Англия выслали до Японии острый протест. През. Рузвельт зажадал перемирия Америки через цесаря Японии Гирогино. Было бы то же для него страшным зневагом и понижением. Прото ты же жаден министр не сказал ему о том, радше пополнил бы самоубийство. В Японии так же ричи бывают.

Правительство японское перестрашило ся однако того не на жарты и поспішило с перемириями. Все свалено на карб трагичной помылки. Правительство собовязало ся, же выбудет такой сам корабель и выплатит отшкодоване родинам затопленных моряков. В целой Японии зберают жертвы на тоту цель. Адмирала Гузегая усуено.

От долгих лет ген. кн. Муратов находится в крайней нужде и ходил за прошенным хлебом в Варшаву.

Эксплозия в поезде. Недалеко Токио в Японии в поезде наступила эксплозия целюльонду, от которой заняли ся вагоны. Два вагоны згорели. Семеро людей сжало ся, а 34-есть тяжело попаренных.

Убила сокиром бестияльского мужа. В Барановичах засудил суд на 2 года безвзглядного ареста Ольгу Чернявскую за убийство своего мужа Владислава в часе сну.

Процесс выкликает заинтересованье, бо убитый катовал страшно свою жену. Раз разбил на drobны куски зеркало, вышмарено на дворе и казал жене позбегать его голыми руками в часе великого морозу; другой раз привязал ю до хвоста конев и казал бегать за ним, погнав ю бичом.

Катованый жене перебрала ся мёрка терпеливости и чтобы освободити ся от ката, убила его в часе сну.

Китай будет дорогу до России. Англические газеты доносят, же в Китае распознали будову великой дороги, ведущей с провинции Шечуан до границы России, долготы 5.000 км. При дороге той есть занятых 1.000 инженеров и 700.000 работников.

Работа при дороге идет в день и в ночь. Дорога будет закончена за пару месяцев. Имеет она великое стратегическое значение бо том дорогим можно будет перевезти с России до Китая оружие в продолжение 2 недель. До тепер транспорт такой забрал 3 месяца часу. С того выходило бы, же Китай числит ся с тем, что война с Японией не скоро ся кончит.

Вырок на членов О. У. Н. в Ровном. Дня 23. грудня закончил ся перед судом в Ровном великий политический процесс против 55-ом жителям пов. костопольского, оскарженым до належане до О. У. Н.

Суд признал невиноватыма 3-ох, а 52-ох засудил на кару взынцы от 5 до 12 лет.

Заряд Руской Бурсы в Горлицах просит вынцки села, котры перевели зборы пожертвований на бурсу, — сейчас по святах доставити провианты и списы жертв (листы) до бурсы в Горлицах (ул. Сенкевича 24).

Заряд Бурсы.

3—4 МЕСЯЧНЫЙ КУРС ДЯКОВСТВА.

Другой курс науки церковного співу и устава и других предметов, потребных для дяка открыват с днем

1. лютого 1938. р.

МИХАИЛ ФЕЦИНА В МЫСЦОВОЙ
почта Жмигород, пов. Коросно.

Плата за науку 15 зл. місячно.

Зголошения принимают ся до 25. січня 1938. року.

По курсі кандидаты получают свідоцтва.

Близши информации можна достати письменно за приложением почтового значка за 25 грошей.

Што чути в світі и в краю

Железнодорожная катастрофа коло Бохні. В ночи с неділі на понеділок около полночи мале місце железнодородная катастрофа на торі меже Подлежнем и Гродковицами в повіті бохенском. Поезд товарный выскочил с шин и 5 вагонов разбило ся целковито, а сам паровоз есть uszkodженный. Управитель поезда Гонетол и гамульцевый Ян Сикора были забиты. Другой гамульцевый Антоний Рошкевич есть тяжело раненый. Катастрофа та же спричинила забарыкадоване тору, которого очищение требовало 8 годин. Поезды идущи в том дни с Кракова до Тарнова были опозднены.

Украли самоход с колбасом и гусятином. Перед самыми святами допустили ся злодѣи необычайно смѣлой крадежи. Они потрафили в білый день с рухливой улицы украсти тягарный самоход одной фирмы, на котром было парунадцет сотнаров колбас, гусятины и иных провиантов.

Забыла — кым есть. На полицию в Варшаву спроваджено бабу, около 45 лет, которая страдала целковито память.

Не потрафит она сказать, як ся называет, ани откаль походит. Полиция веде дохождение в цілі отнайденя ей родины.

Предсказания погоды на 1938 рок. Як каждого року, так и тепер маса ворожбитов предсказуе погоду на цілый рок. Ведя тех предсказаний має быти:

Січень сухой и морозный, с великими опадями до конец місяца.

Лютый, початково сухой и погодный, принесет дуже снігу до конец місяца.

Март, в шчатках острый и морозный, стае ся пак ясный и приятный.

Квітень, має переплітати сніг с дождем и солнцем. Друга половина заповідат ся красна.

Май, початково сухой и солнечный будет в другой половине мати дост дождей, але не за дуже. Будет то же мати вплив на вроды, котры в том році заповідат ся барз добре.

Червень, має быти прекрасный, теплый и солнечный.

Липень, серпень и вересень, с переходячими, частыми дождями.

Жолтень, красна погода до половины листопада.

Грудень, морозный и сніжный от самого початку.

Ворожбы на рок 1938 не предвиджают никаких элементарных бѣд, як градобите, великие зливы и т. д., а наоборот рок тот має быти под взглядом погоды и урожая добрый.

Планше заповідат ся новый рок под взглядом политическим.

Астрологи снуют свои ворожбы с констелляции звезд на небе и с затмений солнца и місяца. Беручи под увагу припадаючи в р. 1938 затмения солнца и місяца, предсказуют астрологи на 1938 р. революции, беспорядки политическы, заострение международных конфликтов, але все твердят, что до войны ище не дойде. Світ в р. 1938 и 1939 будет готовить ся до войны, которая выбухнет аж в 1940 р.

Вірючи тым ворожбам, можеме ище полны 2 roky зазнати спокою и выгод домашнего житя.

Бывший царский генерал умер в нужде в Варшаві. В ночлегоем доме городском при ул. Ягеллонской в Варшаві помер 27. грудня м. р. Тимофей Данилович князь Муратов, брат б. губернатора курского, спородненный с царском родиною Романовых через свою сестру.

Померший генерал кн. Муратов был офицером конной гвардии царской и знаменитым издоком. Был ожененый с одним с найбогатших пань в России с княжнем Голицын.

УЖ ПОЯВИЛ СЯ БОГАТО ИЛЮСТРОВАННЫЙ

КАЛЕНДАР „ЛЕМКА“ НА 1938. РОК

Ціна 1 екземпляра календара разом с великим календарем стінным выносит 50 грошей и кошты пересылки. При замовленях 10 штук кошты пересылки поносит администрация ЛЕМКА. Для кольпортеров великий опуст. Замавляти треба в администрации ЛЕМКА, Крыница 2.